

五礼通考

第五  
十一  
册

五禮通考卷第一百十

內廷供奉禮部右侍郎金匱秦嵩編輯

兩淮都轉鹽運使德水盧鳳曾

李太保總督魏都御史桐城方觀承同訂

直隸按察司副使元和宋宗元

參校

吉禮一百十

大夫士廟祭

儀禮特牲饋食禮

鄭目錄云謂諸侯之士祭祖禰於五禮屬吉禮疏曲禮云大夫以索牛士以羊豕彼天子大夫士此儀禮特牲

性少牢故知是諸侯大夫士也祭法云適士二廟官師一廟官師謂中下之士祖禰其廟亦兼祭祖故祖禰俱言也無問一廟二廟皆先祭祖後祭禰若祭無問尊卑廟數多少皆同日而祭畢以此及少牢唯筮一日明不分日祭也

敖氏繼公曰此篇言士祭其祖之禮

特牲饋食之禮不諏日

注祭祀自孰始曰饋食饋食者食道也諏謀也士賤職褻時至事暇可以祭則筮其日矣不如

少牢大夫先與有司於廟門諏丁巳之日疏孝子於親雖死事之若生故用生人食道饋之也天子諸侯饋孰以前仍有灌鬯朝踐饋獻之事

敖氏繼公曰特牲謂豕也士祭用三鼎

乃以特牲名之者主於牲也少牢放此

張氏爾岐曰不諏日者不預諏前月下旬之丁巳以筮來月上旬之丁巳但可

以筮則筮而已自此以下筮日筮尸宿尸宿賓視濯與牲凡五節皆祭前戒備

事之

蕙田案周禮司尊彝云其饋獻用兩壺尊鄭  
云饋獻謂薦熟時是饋獻即饋熟之事賈氏  
乃云天子諸侯饋熟已前仍有灌鬯朝踐饋  
獻之事誤也

及筮日主人冠端元即位於門外西面

注冠端元元冠元端門謂廟門疏不元端則

朝服然則元端一冠冠兩服也

敖氏繼公曰士筮當朝服今乃元端者不可踰其祭服也陳氏禮書郭特牲言作龜於禱宮則天子諸侯不在廟門

子姓兄弟如主人之服立於主人之南西面北上

注所祭者之子

原言子姓者子之所生小宗祭而兄

皆來與焉宗子祭則族人皆侍

敖氏繼公曰是時子姓而下

之服亦元端統於主人也

盛世佐曰先子姓而後兄弟者子姓據所祭者而言兄弟

據主祭者而言凡同姓者曰兄弟不必與主人同昭穆

欽定義疏子姓者依主人之嗣子立文也尊祖故敬宗  
敬宗故重適觀下文嗣舉奠而兄弟不得與焉祭畢  
有餽嗣爲上而兄弟不敢躡焉此所以退兄弟於子  
姓之後也歟

有司羣執事如兄弟服東面北上

注士之屬吏也疏左傳云士有隸子弟謂此言爲屬吏

蔡氏德晉曰東面賓位也此時未  
有賓故有司羣執事皆如賓位

席於門中闌西閼外

注爲筮人設之也卦者具饌於西塾乃言布席於門中此省文

筮人

取筮於西塾執之東面受命於主人

注筮人官名筮謂蓍也

宰自主人

之左贊命命曰孝孫某筮來日某諏此某事適其皇祖

某子尙饗

注宰羣吏之長自由也贊佐也達也贊命由左者爲神求變也士祭  
曰歲事此言某事又不言如者谷大祥之後禋月之吉祭皇君也言

君祖者尊之也某子者祖字  
也伯子仲子也尙庶幾也

教氏繼公曰來日某亦謂丁若已也不言以某妃  
配變於大夫之筮辭也若其祝辭則亦當言之

筮者許諾還卽席西面坐卦者在左卒筮寫卦筮者執

以示主人

注土之筮者坐箸短由便卦者主畫地識爻爻備以方寫之

主人受視反之筮者還

東面長占卒告於主人占曰吉

注長占以其年之長幼旅占之

若不吉則筮

遠日如初儀

注遠日旬之外日

宗人告事畢

蕙田案以上筮日

前期三日之朝筮尸如求日之儀命筮曰孝孫某諏此

某事適其皇祖某子筮某之某爲尸尙饗

注三日者容宿賓視濯也某之某者字尸

父而名尸連言其親庶幾其憑依之也大夫士以孫之倫爲尸

欽定義疏宗廟之尸必以同姓取其精氣合也必以孫

之倫昭穆同也必以適不敢以賤者依吾親也必以

無父者兩無所妨其尊也此數者喪祭吉祭同者也

其有不同者喪祭不筮尸尙質也吉祭則筮尸矣練

與大祥亦筮尸漸而之吉也吉祭無女尸而喪祭有

女尸何也以婦人喪不可以男子爲尸也吉祭而後同凡有胖合之道焉陽統陰陰從陽斯不用女尸矣喪祭雖用尸而尸偶不備則無尸者有之若吉祭則不可無尸無尸是殤之也子孫而殤其祖考焉可乎

### 蕙田案以上筮尸

乃宿尸

注宿讀爲肅肅進也進之者使知祭日當來凡宿或作速記作肅周禮亦作宿

蔡氏德晉曰宿越宿預戒也蓋在祭前二日

主人立於尸外門外子姓兄弟立於主人之後北面東

上

注不東面者來不爲賓客子姓立於主人之後上當其後疏子姓兄弟東頭爲上者不得過主人故爲上者當主人之後

尸如主人

服出門左西面

注不敢南面當尊

郝氏敬曰北面事神之禮出門左迎賓之禮

主人辟皆東面北上

注順尸

主人再拜尸答拜

注主人先拜尊尸疏下文宿賓賓先拜主人乃答拜今此尊尸是以主人先拜也按少牢宿尸祝先釋辭訖

尸乃拜此尸答拜後宗人乃擯辭者士尸卑大夫之尸尊宗人擯辭如初卒曰筮子爲某尸占

曰吉敢宿注宗人擯者釋主人之辭如初者如宰贊命筮尸之辭卒曰者著其辭所易祝許諾致命注受宗人辭許

之傳命於尸始宗人祝北面至於傳命皆西面受命東面釋之尸許諾主人再拜稽首注其許亦宗人受於祝而告主人

尸入主人退注相揖而去尸不拜送尸尊

### 蕙田案以上宿尸

宿賓賓如主人服出門左西面再拜主人東面答再拜

宗人擯曰某薦歲事吾子將泣之敢宿注薦進也泣臨也言吾子將臨之知賓在有司

中今特肅之尊賓耳疏此宿屬吏內一人爲備三獻賓之事也賓曰某敢不敬從主人再拜賓答

### 拜主人退賓拜送

高氏愈曰古人祭祀必立賓者欲其代主人而娛尸賓之來也亦若爲助祭執事之意故主人獻尸而賓長以肝從主人致爵主婦而後獻於賓以其皆以養

尸爲主而意不重於賓故也

盛氏世佐曰案以上二事皆祭前一日爲之卽筮尸之明日也敖云筮尸宿尸宿賓皆同日非

### 蕙田案宿賓與宿尸同日而宿尸不與筮尸

同日盛氏之說是也少牢無宿賓故筮尸宿尸得同一日有宿戒尸在前期三日故筮尸在前二日反後特牲之一日

蕙田案以上宿賓

厥明夕陳鼎於門外北面上有鼎

注宿賓之明日夕門外北面當門也古文鼎爲密疏少

牢陳鼎在門東此當明上卑避大夫也

櫨在其南南順實獸於其上東首

注順猶從也櫨之制如今

大水輦矣上有四周下無足獸腊也

牲在其西北首東足

注其西櫨西也東足者尚右也牲不用櫨以其生

寢其左以其周人尚右將祭故也

設洗於阼階東南壺禁在東序豆籩鉶在東

房南上几席兩敦在西堂

注東房房中之東當夾北西堂西夾室之前近南耳

敖氏繼公曰豆籩鉶蓋在東房之東墉下土家亦有左右房於此見之矣

欽定義疏東房對西房而言謂此所陳在東房之東可

也以房中之東爲東房不可也東房在正室之東夾

室又在東房之東若夾室之北則北堂下之東矣鄭氏以夾室之北一架通為東房非也

主人及子姓兄弟即位於門東如初注初筵位也賓及眾賓即

位於門西東面北上注不蒙如初者以賓在而宗人祝不在宗人祝立於賓西北

東面南上注事彌至位爾異宗人祝於祭宜近廟主人再拜賓答再拜三拜眾賓

眾賓答再拜注眾賓再拜者士賤旅之得備禮也主人揖入兄弟從賓及眾賓從

即位於堂下如外位注為視濯也宗人升自西階視壺濯及豆

籩反降東北面告濯具注濯溉也不言敦鉶者省文也東北面告緣賓意欲聞也言濯具不言絜以有几席

賓出主人出皆復外位注為視性也宗人視牲告充雍正作豕

注充猶肥也雍正官名也北面以策動作豕視聲氣

宗人舉獸尾告備舉鼎鼎告絜注備具請期曰羹飪注肉謂之羹飪熟也謂明

日質明時而曰肉熟重豫勞賓告事畢賓出主人拜送

欽定義疏助祭者統言之皆曰執事經云執事之俎陳

於階間是也自子姓兄弟而外統言之皆曰賓下經  
獻酬諸禮長賓長兄弟以下各分兩行是也其公有  
司私臣亦在賓內而另分二列於下則又以貴賤殊  
之公有司在西繼賓黨也私臣在東則以其私也而  
主道統之所以主人及子姓兄弟如初而賓以下不  
如初也

蕙田案以上陳鼎拜賓視濯視牲告期

夙興主人服如初立於門外東方南面視側殺

如初則其餘有不元  
端者側殺殺一牲也

主婦視饔饔饔於西堂下

注炊黍稷曰饔宗婦爲之饔饔  
也西堂下者堂之西下也近西

壁南齊於坵古文饔作精周禮作饔疏主  
婦視饔饔明主婦自爲也猶主人視殺牲

亨於門外東方西面北上

注亨煮也煮豕魚腊以饗各一  
饔詩云誰能亨魚既之金鬯

羹飪實鼎陳於門外如初

注初視  
濯也

尊

於戶東元酒在西

注戶東室戶東元酒在  
西尚之凡尊酌者在左

實豆遵鉶陳於房中如初

注如初者取而  
實之既而反之執事之俎陳於階

閒二列北上

注執事謂有司及兄弟二列者因其位在東西祝主人主婦之祖亦存焉不升鼎者異於神

盛兩敦陳

於西堂藉用萑几席陳於西堂如初

注盛黍稷者宗婦也萑細葦古文用為干

尸盥

匱水實於槃中簞巾在門內之右

注設盥水及巾尸尊不就洗又不揮門內之右象洗在東統於門東

西上凡鄉內以入為左右鄉外以出為左右

郝氏敬曰簞竹器以盛巾在廟門內右內以西為右尸入於此盥手

蕙田案門內之右註疏以為門東郝氏以為

門西盛世佐云案下經云尸入門左北面盥

則槃匱之屬在門內之西明矣門西曰右者

從堂上視之也必在門西者取其便於尸盥

且與洗位相變也郝說得之注疏非

祝筵几於室中東面

注為神敷席也至此使祝接神

主婦纚笄宵衣立於房

中南面

注主婦主人之妻雖姑存猶使之主祭祀纚笄首服宵綺屬也此衣染之以黑其繒本名曰宵詩有素衣朱宵記有元宵衣凡婦人助祭者同

服也內則曰舅沒則姑老家婦所祭祀賓客每事必請於姑

敖氏繼公曰大夫妻祭服緣衣侈袂則此宵衣乃次於緣衣者耳纁笄士妻首飾之常言之者見其無異飾也凡婦人助祭者與主婦同服

蕙田案內司服天子諸侯王后以下助祭不

同者尊則有降卑則無降也

主人及賓兄弟羣執事卽位於門外如初宗人告有司

具

注具猶辦也

主人拜賓如初揖入卽位如初

注初視濯也

佐食北面

立於中庭

疏下記云佐食當事則戶外南面無事則中庭北面此謂無事時

蕙田案以上祭日主人主婦陳設拜賓卽位

主人及祝升祝先入主人從西面於戶內

注祝先入接神宜在前也少牢饋食禮曰

祝盥於洗升自西階主人盥升自阼階祝先入南面

蕙田案祝先入謂入於室

主婦盥於房中薦兩豆葵菹蜩醢醢在北

注主婦盥盥於內洗昏禮婦洗在北堂直

室東隅

宗人遣佐食及執事盥出

注命之盥出當助主人及賓舉鼎

主人降及賓盥

出主人在右及佐食舉牲鼎賓長在右及執事舉魚腊

鼎除甬

注及與也主人在右統於東主人與佐食者賓尊不載少牢饋食禮魚用鮓膳用麋土腊用兔疏東為右人西為左人右人尊入時在鼎前

左人卑入時在鼎後又盡載牲體於俎又設俎於神坐前賓主當相對為左右以賓尊不載牲體故使佐食對主人使賓為右人而使執事在左而載也

宗人執畢先入當阼階南面

注畢狀如义蓋為其似畢星取名焉主人親舉宗人則執畢導之既錯又以畢

臨七載備失脫也襍記曰杞用桑長三尺畢用桑長三尺刊其本與末杞畢同材明矣今此杞用棘心則畢亦用棘心

鼎西面錯右人抽局委於鼎北

注右人謂主人及二贊者錯俎賓既錯皆西面俟也

加七

注贊者執俎及七從鼎入者其錯俎東縮加七東柄既退而左人北面也

乃杞

注右人也尊者於事指使可也左人載之

佐食升所俎甬之設於阼階西

注所謂心舌之

俎也郊特牲曰所之為言敬也言主人之所以敬尸之俎古文鼎皆作密

卒載加七於鼎

注卒已也已載畢亦加焉

主人升

入復位俎入設於豆東魚次腊特於俎北

注入設俎載者腊特饌要方也凡饌必方

者明食味人之性所以正

蕙田案俎入謂自阼階入陳室中無竝曰特

主婦設兩敦黍稷於俎南西上及兩鉶芼設於豆南南

陳

注宗婦不贊敦鉶者以其少可親之芼菜也

祝洗酌奠奠於鉶南遂命佐食啟會佐食啟會卻於敦

南出立於戶西南面注酌奠奠其爵解少牢饋食禮啟會乃奠之主人再拜稽首祝

在左注稽首服之甚者祝在左當為主人釋辭於神也祝祝曰孝孫某敢用剛鬣嘉薦普淖用薦某事於皇祖某子尚饗卒祝主人

再拜稽首

陳氏禮書此未迎尸之前陰厭也陰厭西南與奧室之闔故曰陰席東面

蕙田案以上主人主婦及祝佐食陳設陰厭

祝迎尸於門外注尸自外來代主人接之就其次而請不拜不敢與尊者為禮

主人降立於阼階東注主人不迎尸成尸尊尸所祭者之孫也祖之尸則主人乃宗子禰之尸則主人乃父道事神之禮廟中

而已出迎則為厭

蕙田案注厭字是君厭臣尊厭卑之義敖氏

欲改為屈其義反狹

尸入門左北面盥宗人授巾注傳盥者執其器就之執筆者不授巾賤也宗人授巾庭長尊少牢饋食禮曰

祝先入門右尸入門左尸至於階祝延尸尸升入祝先主人從注延進在後詔侑曰延禮

器所謂詔有武方者也少牢饋食禮曰尸升自西階入祝從主人升自阼階祝先入主人從疏案士虞禮祝前鄉尸彼祝居尸前道之此則在尸後詔之故云延

蕙田案尸升入者升升堂入入室

蕙田案以上尸入

尸即席坐主人拜安尸注安坐也尸答拜執奠祝饗主人拜

如初注饗食勸彊之也其辭取於士虞記則宜云孝孫某圭為孝薦之饗舊說云明薦之疏引舊說者證圭為潔明之義也

孔氏穎達曰祝先奠爵于鉶南尸入即席而舉之

祝命按祭尸左執鬴右取菹揆於醢祭於豆間注命詔尸也按祭祭神食

也士虞禮古文曰祝命佐食墮祭周禮曰既祭則藏其墮墮與按讀同耳揆醢者染於醢

陳氏禮書曰墮祭猶生者之飲食必祭也

欽定義疏墮祭之祭黍稷也肺也其授之則佐食也命

之授則祝也祝命佐食非命尸也大約尸先祭豆而

祝即命佐食取黍稷肺授祭士虞立文甚明此經祝

命佐食墮祭尸於是先祭豆正欲與授祭之節相接

耳鄭注命為命尸非命佐食似與前說相悖

蕙田案按或作墮或作綏皆通用敖氏以為

授字之誤則非授祭事在下文

佐食取黍稷肺祭授尸尸祭之祭酒啐酒告旨主人拜

尸奠觶答拜

注肺祭刺肺也旨美也祭酒穀味之芬芳者齊敬共之唯恐不美告之以美達其心明神享之

祭鉶嘗之

告旨主人拜尸答拜

注鉶肉味之有榮和者曲禮曰客絮羹主人辭不能亨

祝命爾敦佐

食爾黍稷於席上

注爾近也近之便尸之食也

設大羹清於醢北

注大羹清煮肉汁也

不和貴其質設之所以敬尸也不祭不齊大羹不為神非盛者也士虞禮曰大羹清自門入今天文清皆為汁

舉肺脊以授尸尸

受振祭膾之左執之

注肺氣之主也脊正體之貴者先食啗之所以導食通氣

乃食食舉

注舉言食

者明凡解體皆連肉

盛氏世佐曰乃食食黍也舉即肺脊

主人羞所俎於腊北

注所俎主於尸主人親羞敬也神俎不親設者貴得賓客以神事其先

尸三飯

告飽祝侑主人拜

注三飯告飽禮一成也侑勸也或曰又勸之使又食少牢饋食禮侑辭曰皇尸未實侑

佐食舉幹尸受振祭濟之佐食受加於所俎舉獸幹魚

一亦如之

注幹長脅也獸腊其體數與牲同

尸實舉於菹豆

注為將食庶羞舉謂肺脊

佐食羞庶羞四豆設於左南上

有醢

注庶眾也眾羞以豕肉所以為異味四豆者醢炙醢醢南上者以醢炙為上以有醢不得綽也

尸又三飯告飽祝侑之如初

注禮再成也

舉幣及獸魚如初尸又三飯告飽祝侑之如初

注禮三成獸魚如初

者獸幣魚一也

舉肩及獸魚如初

注不復取者三三者士之禮大成也舉先正脊後肩自上而卻下綽而前終始之次也疏先舉正脊自上也

次舉脅即卻也後舉幣即下綽也終舉肩即前也前者牲體之始後者牲體之終

盛氏世佐曰注云自上而卻下者謂由脊而及脅也云綽而前者謂由幣而及肩也卻猶退也綽猶屈也疏分句似未審

佐食盛所俎俎釋三个

注佐食取牲魚腊之餘盛於所俎將以歸尸俎釋三个為改饌於西北隅遺之所釋者牲腊則

正脊一骨長脅一骨及肅也魚則三頭而已个猶枚也今俗言物數有若干个者此讀然

楊氏復曰今被前已舉四體外今宜盛臂肫橫脊短脅故知所釋者惟此耳